



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrippinæ, 1671

§. I. Statuitur prima conclusio,

[urn:nbn:de:hbz:466:1-77146](#)

enim libro 3. contra Maximum cap. 12. ait solum Deum immortalitatem habere, nimis quia est immutabilis solus; in omni enim mutabili natura, non nulla mors est ipsa mutatio. Tum paucis interje-
ctis: Et creaturarum natura celestium mori potuit, quia peccare potuit. Nam & Angeli peccaverunt, & demones facti sunt, quorum est diabolus princeps; & qui non peccaverunt, peccare potuerunt. Et cuicunque creature rationali praestat, ut peccare non possit, non est hoc natura proprie, sed Dei gratia. Quem locum ubertim pertractat Fulgentius libro de fide ad Cap. 3 Petrum, ubi intra alia: Illos quoque (ait) quos terrenorum corporum gravata nullula luculenta materies, id est angelicos spiritus, quis non videat non unus natura esse cum Deo, sed factos ex nihilo, quorum naturalis mutabilitas in eo cognoscitur, quia ejusdem natura pars est in determinata permutata? Deinde postea cum dixisset Angelos ianctos in determinata non posse mutari, id unde illis accidat, his verbis expo-
nit: Sed hoc ipsum quod ab illo statu beatitudinis, in quo sunt, mutari in determinata nullatenus possunt, non est ei naturaliter insitum, sed postquam creatus sunt, gratiæ divinae largitate collatum. Scenam Angeli naturaliter incommutabiles fuerint, nunquam de eorum con-
sortio diabolus & ejus Angelici cecidissent. Basilus quoque de Spiritu Sancto cap. 16. ait, Iuris sui ac liber-
tatis esse invisibles virtutes, & aquæ in virtutem ac vi-
lib. 3 tium vergere; ideoque ope Sancti Spiritus egere. Item Mo- Gregorius Papa: Natura (inquit) Angelica, esti-
rat. contemplativa Authoris inherendo, in statu suo immu-
tabiliter permanet, eo ipso tamen quo creatura est, in
cap. 28. semper ipsa viciitudinem mutabilitatis habet. De-
bro. 25. cap. 4 summo bono cap. 12. Gratiæ dicimus non natura esse incommutabiles Ange-
los: nam si natura incommutabiles essent, Diabolus non
utique cecidisset. Hoc premisso tanquam certo.

Dificultas & controversia est inter Theologos, an de potentia Dei absoluta dari possit crea-
tura ex sua natura omnino impeccabilis? Duxi, ex sua natura, nam per donum aliquod gratuitum extrinsecus adveniens posse aliquem reddi sim-
pliciter impeccabilem, pater in Beatis, in huma-
nitate Christi, & in Beata Virgine. Addidi, sim-
pliciter impeccabilis, vel saltem secundum quid: quia cum Deus ut ultimus finis distinguatur in scip-
lum ut finem & authorem naturæ, & in scipulum ut finem & authorem gratiæ, potest aliqua crea-
tura intelligi impeccabilis simpliciter, & secundum quid. Eset impeccabilis simpliciter, si non posset non referre omnia perfectissime in Deum, tanquam in ultimum finem tam naturalem quam supernaturalem; quod contingere, si contra aut præter ejus præcepta, tam naturalia, quam super-
naturalia, nihil penitus agere posset. Eset ve-
tò impeccabilis secundum quid, si non posset deficere a recto ordine ad ultimum finem natu-
ralem, violando aliquod ejus præceptum, aut a-
liquid agendo præter illius præcepta.

§. I.

Statuitur prima Conclusio,

Dico primum, nullam posse dari creaturam in-
tellectualem ita perfectam, ut sit simpliciter
impeccabilis per naturam. Est contra quod
dam antiquos Theologos, quibus favent Molina
& alii moderni, docentes posse creari à Deo sub-
stantiam aliquam, cui lumen gloriae sit connaturale,
& consequenter qua sit ab extrinseco im-
peccabilis.

A Nostra tamen conclusio passim docetur 288.
Patribus, exponentibus hac verba Apostoli, ad Timot. 6. Qui solus habet immortalitatem: hoc enim intelligunt non solum de immortalitate operis morti naturali, seu amissioni sui esse, sed etiam de illa qua contrariatur morti peccatorum: supra ex Augustino vidimus, & eleganter declarat Hieronymus in Commentariis ad Epistolam Pauli ad Titum, sub initium, his verbis: Qua-
modo solus Deus habere dicitur immortalitatem: ita & solus dicitur esse verax: non quod & ceteri non im-
mortales & veritatis sint amatores, sed quod ille solus
naturaliter sit & immortalis & verus: Ceteri vero
immortalitatem & veritatem exlargantur illius dono
consequantur; & aliud sit verum esse, & quod habere
per semet, aliud in potestate donantis esse, quod habeatur.
Item Augustinus libro 12. de civit. cap. 1. & 6. &
alibi a pe, probat omnem creaturam posse peccare,
qua ex nihilo est. Qua etiam ratione evan-
turi Nilssenus, Damascenus, Fulgentius, Grego-
rius Papa, & alii, eamque Prudentius his verbis
insinuavit.

Miraris peccare animam, que carne coacta
Sorita est habitare domum, cum peccat & peccat
Angelus, hospitum qui nescit adire casum
Carnis tabifluæ. Peccat, quia factus & natus
Non genitus.

Eadem ratio à S. Thoma variis in locis adducitur, præfertim quæst. 24. de verit. art. 7. potest
que breviter sic proponi. Natura que est defecti-
bilis in suo esse, etiam defectibilis est in suis opera-
tionibus: Sed omnis natura intellectualis cre-
ata, hoc ipso quod est ex nihilo, est defectibilis
in suo esse: Ergo & in suis operationibus etiam
liberis: Ergo hoc ipso quod aliqua natura intel-
lectualis est ex nihilo, est capax peccandi. Minus
patet, Major vero probatur. Potentia operativa
& modus operandi, sequuntur modum etendendi:
Ergo potentia operativa, & operatio libera,
fundatae in natura defectibili, sunt etiam defec-
tibiles.

Dices, illas esse defectibiles entitatib, seu
quantum ad esse, non tamen moraliter, & quantu-
m ad restitutinam ac bonitatem.

Sed contra: Hoc ipso quod creatura est defecti-
bilis in modo operandi, est etiam defectibilis
in attingentia objecti & finis: Sed exattingen-
tia, vel ex ordine ad objectum & finem, sumitur
rectitudo seu bonitas moralis operationis: Ergo
potentia operativa, & operatio libera, fundata
in natura defectibili, sunt defectibiles, non lo-
cutionis, & quantum ad esse, sed etiam
moraliter, & quantum ad restitutinam & boni-
tatem.

Dices rursus: Si hoc quod est creaturam ratio-
nalem esse ex nihilo, esset ratio necessaria infer-
rens in illa peccabilitatem, sive defectibilitatem
moralem, non posset etiam per aliquod donum
gratiae reddi impeccabilis; quia quantumcumque
est esse gratia & donis ejus perfusa, semper
maneret facta ex nihilo: Consequens non debet
admitti, ut constat in Beatis, & in confirmatione
gratia: Ergo nec Antecedens.

Respondeo distinguendo Majorem: non pos-
set redditus impeccabilis &c. per naturam, con-
cedo: Ex accidenti & ab extrinseco, nego: quia ad
hoc posterius non est necessarium quod non ut
ex nihilo, sicut ad prius, sed sufficiat quod perfe-
veranter teneatur in aliquo domo gratuito, cum
quo peccatum sit incompensabile.

Secunda ratio quam habet id S. Doctor loco

citato, si potest proponi. Ut aliqua causa inde-
finitibiliter producat actionem, debet illius prin-
cipium esse ei connaturale; nam ignis v.g. ideo
connaturaliter & indefinitibiliter calefacit, quia
habet calorem sibi connaturalem: Sed nulla
creatura rationalis potest habere connaturali-
ter omnia principia operationum, quibus ten-
dit ac dirigunt in ultimum finem; eò quod
principia illa aliquid sint supernaturale, ac
proinde supra naturam, exigentiam, ac debitum
cujuscumque naturae creatae & creabilis: Ergo
nulla potest dari creatura intellectualis, quæ ex
sua natura in omnibus suis actionibus inde-
finitibilis sit & impeccabilis.

B Ex hoc facile intelliges, quid intendat D. Tho-
mas loco citato, dum assertit quod ut creatura in-
tellectualis esset naturaliter impeccabilis, debe-
re habere ex sua natura omnem rationem boni.

Nam per omnem rationem boni, intelligit om-
nia principia omnium operationum, quibus ten-
dente in ultimum finem naturalem & superna-
turalem: hac enim principia non incongrue dici
possunt rationes omnium bonorum, id est ratio-
nes unum operationum, tendentium in o-
mnibus tam naturale quam supernaturale.
Tertia ratio desumpta ex articulo 1. hujus qua-
tionis, sic formatur. Principium quod non est
regula sua operationis, nec hujusmodi regulam
sive inseparabiliter sibi conjunctam, potest
deficere à rectitudine debita tali operationi,
lubidineq. peccare: Sed nulla voluntas potest à
Deo produci, quæ vel sit regula sua operationis,
vel illa regula habeat sibi inseparabiliter conjunc-
tam: Ergo nulla potest produci quæ sit ex natu-
ra sua impeccabilis. Major patet, & à D. Tho-
mas hoc exemplo declaratur. Si manus artificis
sit ipsa regula incisionis, artifex non posset ni-
l recte lignum scindere: contingit verò incisio-
nem esse rectam & non rectam, quia rectitudo
illius est ab alia regula, à qua virtus incisiva de-
ficere potest. Minor verò probatur: Regula ope-
rationibus voluntatis debita, est ultimus finis; **D**
nam finis ultimus se habet in practicis, sicut pri-
mum principium in speculativis; unde sicut pri-
mum principium regulat omnes conclusiones, i-
nstantius finis omnes operationes: Atqui nul-
la voluntas creata est suus ultimus finis, imo nec
ex natura sua potest esse conjuncta suo ultimo
sive simpliciter, id est tam naturali quam super-
naturali; quia finis cui potentia naturalis seu
natura ex principio intrinsecis conjuncta est,
non est supernaturalis, sed naturalis: Ergo nulla
voluntas creata potest esse regula, vel habere in-
separabiliter conjunctam regulam sua opera-
tionis.

E

Dices, Sufficit ad impeccabilitatem volun-
tatis, illam esse ex natura sua determinatam ad
conformandum se regula: quamvis non sit ipsa
regula, vel illi inseparabiliter conjuncta: Sed
huc determinatio potest convenire ex sua natu-
ra voluntatis creata, vel saltu creabili: Ergo
dari potest voluntas creata ex sua natura im-
peccabilis.

Sed contra: Determinatio principii ex natu-
ra sua ad conformandum se regula, est sufficiens
conjunctio cum regula; & in hoc sensu etiam
verum est, quod nulla voluntas creata est con-
juncta sua regula ex principio intrinsecis, id est
determinata ex natura sua ad attingendum ob-
jectum conformiter ad regulam: quia sub ob-
jecto voluntatis continentur res tam naturales

A quam supernaturales; nulla autem voluntas
creata est ex principio intrinsecis determinata
ad attingendum objectum supernaturale con-
formatum ad regulam.

Confirmatur: Ut voluntas esset determinata **3**
ad conformandum se regula supernaturali, o-
porteret intellectum quoq. esse determinatum
ad proponendum voluntati talem regulam, vo-
luntas enim non fertur in objectum ignotum:
Sed hoc est impossibile, alias intellectus per sua
naturalia, & sine revelatione, cognosceret finem
supernaturalem, præcepta supernaturalia, &
circumstantias quæ sumuntur ex legi superna-
turali; quæ tamen nulla creatura potest natura-
liter cognoscere, cùm dependant ex mera Dei
voluntate, & noscantur solum ex Dei revelatio-
ne: Ergo &c.

Confirmatur amplius: Regula voluntatis est **9**
rectum dictamen rationis: Ergo regula opera-
tionum supernaturalium, est rectum dictamen
supernaturale in ordine ad finem supernatu-
ralem: Sed nulli creaturæ est connaturale habere
judicium & dictamen rectum circa supernatu-
ralia: Ergo nulla creaturæ potest esse naturaliter
determinata ad conformandum se suæ regu-
la supernaturali.

Dices rursus: Virtutes morales ex sua natura **10**
sunt determinatae ad attingendum infallibiliter
bonum honestum: Ergo similiter voluntas crea-
ta potest ex sua natura esse determinata ad con-
formandum se suæ regula, & ad attingendum
indefinitibiliter totum suum objectum.

Sed nego consequiam, & paritatem: du-
plex enim est ratio discriminis inter virtutes
morales & voluntatem. Nam in primis voluntas
est potentia, de cuius ratione est ferri in suum
objectum cum indifference ad bene vel male;
virtutes autem sunt habitus, qui sunt determi-
nati ad bene: præterea voluntas respicit bonum
ut sic; sub quo continetur etiam bonum super-
natural, ad quod attingendū nulla creatura ha-
bet ex se virtutem determinatam: habitus verò
virtutum respiciunt particulare bonum ordinis
naturalis; non enim hic loquimur de habitibus
supernaturalibus, ut pote qui nulli creaturæ sunt
connaturales.

S. II.

solvuntur objections.

EX dictis solutum manet præcipuum Adver-
sariorum fundamentum, quod sic propo-
nunt. Potest, inquit, fieri à Deo creatura ali-
qua, quæ ex natura sua sit determinata ad bonū
morale ut sic, & tamen indifferens ad diversa
bona particularia: Ergo & quæ sit ex natura im-
peccabilis. Consequentia patet: creatura enim
ex natura sua determinata ad bonum morale ut
sic, quamvis sit indifferens ad diversa bona par-
ticularia, non potest male operari, sed tantum
hanc vel illam operationem bonam omittere, el-
liendo tamen aliquam moraliter bonam, in
quo nullum est peccatum. Antecedens verò proba-
tur: quia talis determinatio non requirit in-
finitatem; ut patet in Beatis, qui sunt omnino
determinati ad bonum morale in communi, ra-
tione visionis Beatificæ, etiam si talis visio non sit
simpliciter infinita in ipsis: Ergo determinatio
ad bonum morale ut sic non repugnat creaturæ.

Patet, inquam, ex dictis hujus argumenti so-
lutio. Antecedens enim distinguendum est: quæ
sit determinata ad bonum morale ut sic si per